

# Lög

Nr. 30  
22. nóv.

um

## bæjarstjórn á Siglufirði.

**Vjer Christian hinn Tiundi**, af guðs náð Danmerkur konungur, Vinda og Gauta, hertogi í Sljesvik, Holtsetalandi, Stórmæri, Þjettmerski, Láenborg og Aldinborg.

*Gjörum kunnugt:* Alþingi hefir fallist á lög þessi og Vjer staðfest þau með samþykki voru:

### 1. gr.

Siglufjarðarverslunarstaður skal tekinn í tölu kaupstaðanna, og nær umdæmið yfir allan hinn núverandi Hvanneyrarhrepp.

Umdæmi þetta skal hjer eftir sem hingað til vera í alþingiskjördæmi Eyjafjarðarsýslu, þangað til öðruvísi verður ákveðið.

Þar, sem í lögum þessum er talað um kaupstað og kaupstaðarbúa, er átt við alt hið nýja umdæmi og íbúa þess.

### 2. gr.

Landsstjórnin skipar fyrir um, hvernig málum þeim í Hvanneyrarhreppi, sem ekki eru útkljáð þegar lög in öðlast gildi, skuli skift milli sýslumanns Eyjafjarðarsýslu og lögreglustjórans á Siglufirði.

### 3. gr.

Verslunarlóð kaupstaðarins hefir þessi takmörk:

#### a. *Að vestanverðu við höfnina:*

Að norðan bein lína milli fjalls og fjöru, 25 föðmum fyrir norðan húsið Bakka. Að sunnan bein lína milli fjalls og fjöru, 25 föðmum fyrir sunnan húsið Hliðarhús. Að vestan fjallið. Að austan höfnin.

#### b. *Að austanverðu við höfnina:*

Að norðan svo nefndur Rjómalækur, sunnan við túnið á Staðarhóli. Að sunnan Skútuá. Að vestan höfnin. Að austan lína, sem er 50 föðmum ofar en stórstraumsflóðmál.

### 4. gr.

Í Siglufjarðar Kaupstað skal vera lögreglustjóri, skipaður af dómsmálaráðherra, með 2000 kr. árslaunum úr landssjóði, og hefir hann á hendi, auk stjórnar kaupstaðarmálefna, dómstjórn í almennum lögreglumálum, lögreglustjórn, gjaldheimtu á skipagjöldum fyrir sýslumanninn í Eyjafjarðarsýslu í kaupstaðnum og önnur störf, er hreppstjórum eru falin, alt gegn þeirri þóknun, sem þeim er ákveðin í lögum.

Nr. 30  
22. nóv.

## 5. gr.

Málefnum kaupstaðarins skal stjórnað af bæjarstjórn, og eru í henni lög-reglustjórnin og sex bæjarfulltrúar, kosnir af kaupstaðarbúum eftir lögum um kosningar til bæjarstjórna í kaupstöðum. Skilyrðin fyrir kosningarrjetti og kjörgengi eru hin sömu og nú gilda, eða síðar kunna að verða sett, um kjörgengi og kosningarrjett í málefnum kaupstaða og hreppsfjelaga. Tölu bæjarfulltrúa má stjórnarráðið breyta, ef þörf gerist, eftir tillögu bæjarstjórnar.

## 6. gr.

Lögreglustjórnin er sjálfkjörin oddviti bæjarstjórnarinnar og hefir atkvæðisrjett á fundum. Hann hefir fyrir oddvitastarfið 500 kr. þóknun á ári úr bæjarsjóði.

## 7. gr.

Oddviti bæjarstjórnar hefir á hendi framkvæmd á ákvörðunum þeim, er bæjarstjórnin gerir, og í bæjarmálefnum yfir höfuð. Þó má bæjarstjórnin fela einum eða fleirum mönnum úr sínum flokki að framkvæma einstöku bæjarstörf, eftir reglum, er hún sjálf setur. Allir bæjarfulltrúar eru skyldir að taka að sjer þau sjerstöku bæjarstörf, sem bæjarstjórnin felur þeim.

## 8. gr.

Bæjarfulltrúarnir skulu kosnir til 6 ára. Af þeim, sem kosnir eru í fyrsta sinn, fara tveir frá að tveimur árum liðnum og svo ávalt tveir annaðhvort ár. Hverjir fari frá í fyrsta og annað skifti skal vera komið undir samkomulagi eða hlutkesti.

Ef einhver fulltrúi fer frá áður en 6 ár eru liðin frá kosningu hans, skal sem fyrst kjósa annan í hans stað, en aðeins fyrir þann tíma, er hinn átti eftir að vera.

## 9. gr.

Fulltrúakosning skal fara fram á virkum degi sem fyrst eftir nýár, nema þegar aukakosning þarf að fara fram. Í kjörstjórn eru lögreglustjóri og tveir fulltrúar, er bæjarstjórnin kýs til þess. Kjörstjórnin skal semja kjörskrá fyrir hver árslok, og gildir hún fyrir almanaksárið næsta á eftir, þótt aukakosning fari fram á því ári.

Kjörskráin skal liggja öllum kaupstaðarbúum til sýnis á hentugum stað um hálfan mánuð á undan kjördegi. Mótbárur gegn kjörskránni, að einhver sje oftalinn eða vantallinn, á að bera upp fyrir kjörstjórninni að minsta kosti þrem dögum á undan kjördegi, og leggur hún þá úrskurð sinn á málið.

## 10. gr.

Formaður kjörstjórnar skal boða stað og stund, er kosningar skulu fram

fara, að minsta kosti viku á undan kosningu, á þann hátt, sem þing eða fundir Nr. 30 eru alment boðaðir í kaupstaðnum. 22. nóv.

### 11. gr.

Hver sá, sem er kjörgengur, er skyldur að taka móti kosningu, nema hann sje sextugur að aldri, eða hann, vegna heilsubreysts eða annars, hafi sennilega ástæðu til að skorast undan kosningu. Kjörstjórnin sker úr þessu; en láti hann sjer ekki lynda úrskurð hennar, skal skjóta málinu til bæjarstjórnarinnar. Sá, sem hefir gegnt fulltrúastörfum 6 ár eða lengur, er eigi skyldur að takast á hendur þann starfa aftur fyr en eftir jafnlangan tíma og hann síðast var fulltrúi.

### 12. gr.

Sá, sem hefir eitthvað að kæra yfir kosningargerð þeirri, er fram hefir farið, eða yfir úrskurðum kjörstjórnarinnar, verður að bera mál sitt skriflega undir bæjarstjórnina innan viku eftir að kosning hefir fram farið. eigi umkvörtun hans að vera tekin til greina. Innan hálfis mánaðar frá því, að kæruskjalið var afhent bæjarstjórninni, leggur hún úrskurð sinn á málið, og skal áður leita um það álits kjörstjórnarinnar. Kæra má skriflega úrskurð bæjarstjórnarinnar fyrir stjórnarráðinu innan hálfis mánaðar frá því að úrskurðurinn var upp kveðinn. Þegar almennar kosningar hafa fram farið, fara bæjarfulltrúar þeir, er frá eiga að fara, þá fyrst úr bæjarstjórninni, er fullnaðarúrskurður er lagður á kærur þær, er fram kunna að hafa komið yfir hinni nýju kosningu.

### 13. gr.

Nú vill bæjarfulltrúi ganga úr bæjarstjórn áður en sá tími er liðinn sem hann er kosinn til, og skal bæjarstjórnin ákveða, hvort taka skuli beiðni hans til greina. Bæjarstjórnin ákveður enn fremur, hvort bæjarfulltrúi skuli fara frá, eða honum vikið úr bæjarstjórninni um stund, sökum atvika, er svifta hann kjörgengi; hún áveður og, hvort bæjarfulltrúi skuli fara frá, eða honum vikið úr bæjarstjórninni, af því hann hefir vanrækt eða færst undan að gera það, sem hann er skyldur til sem bæjarfulltrúi. Þó má sá, sem vikið er úr bæjarstjórn, kæra til stjórnarráðsins á þann hátt, sem segir í 11. gr.

### 14 gr.

Oddviti bæjarstjórnarinnar stýrir umræðum á fundum og sjer um, að það sem ályktað er, sje ritað í gerðabókina. Fundir bæjarstjórnarinnar skulu venjulega fara fram í heyranda hljóði. Þó má ræða einstök mál innan luktra dyra, þegar bæjarstjórnin ályktar það. Til þess að lögmæt ákvörðun sje gerð, verður, auk oddvita, að minsta kosti helmingur bæjarfulltrúa að vera á fundi. Atkvæðafjöldi skal ávalt ráða. Sjeu jafnmörg atkæði með og móti, fellur atkvæðisefnið, nema við kosningar, og þá ræður hlutkesti. Það skal kunngert bæjarbúum, hvar og hvenær bæjarstjórnin heldur almenna fundi. Aukafundi má

Nr. 30 halda þegar oddvita þykir nauðsyn til bera, eða að minsta kosti helmingur 22. nóv. bæjarfulltrúa æskir þess. Oddviti skal á undan fundum, að svo miklu leyti, sem unt er, skýra bæjarfulltrúum frá því, hver málefni komi fyrir. Allir þeir bæjarfulltrúar, sem eru á fundi, skulu rita nöfn sín undir gerðabókina strax og bókun er lokið, og sjerhver i bæjarstjórninni á rjett á að fá ágreiningsatkvæði sitt stuttlega bókað. Bæjarstjórnin setur sjálf fundarsköp sín, en stjórnarráðið samþykkir þau.

## 15. gr.

Virðist lögreglustjóra, að einhver ákvöðum bæjarstjórnarinnar gangi út yfir valdsvið hennar, sje gagnstæð lögum eða skaðleg fyrir kaupstaðinn, eða miði til að færast undan skyldum þeim, er á kaupstaðnum hvíla, má hann fella ályktunina úr gildi að sinni, með því að rita álit sitt i gerðabókina. Um þetta skal hann, svo fljótt sem verða má, senda stjórnarráðinu skýrslu, og leggur það úrkuð sinn á málið. Eftirrit af skýrslu lögreglustjóra skal jafnframt sent bæjarstjórninni, svo að hún geti gert athugasemdir sínar við hana áður en skýrslan fer til stjórnarráðsins.

## 16. gr.

Í öllum þeim málum, er snerta uppeldi og fræðslu barna, hefir formaður skólanevndarinnar sæti og atkvæði á fundum bæjarstjórnarinnar.

## 17. gr.

Bæjarstjórnin kýs fjóra menn til að vera i byggingarnevnd fyrir kaupstaðinn ásamt lögreglustjóra; skulu tveir þessara manna kosnir úr flokki læjarfulltrúa.

## 18. gr.

Bæjarstjórnin kýs 5 menn i hafnarnevnd samkvæmt hafnarlögum Siglufjarðar.

## 19. gr.

Bæjarstjórnin kýs bæjargjaldkera og veitir honum árlega þóknun. Skal hann skyldur að hafa starf sitt á hendi að minsta kosti 3 ár, nema bæjarstjórnin taki lausnarbeiðni hans gilda fyr.

## 20. gr.

Bæjarstjórnin skipar sýslunarmenn bæjarins og veitir þeim lausn. Lögregluþjóna og næturverði skipar bæjarstjórnin eftir tillögu lögreglustjóra, en hann getur veitt þeim lausn án samþykkis bæjarfulltrúanna.

Endurskoðendur reikninga kaupstaðarins skulu vera tveir; eru þeir kosnir til þriggja ára í senn af kosningarbærum kaupstaðarbúum og á sama hátt og fulltrúarnir. Þeir hafa þóknun úr bæjarsjóði fyrir starfa sinn. Auk reikninga bæjarsjóðsins skal þeim og skylt að endurskoða alla reikninga þeirra sjóða og stofnana, er bæjarstjórnin hefir umsjón með.

## 22. gr.

Reikningsár kaupstaðarins er almanaksárið. Innan 1. dags októbermánaðar ár hvert skal bæjarstjórnin semja áætlun um tekjur og gjöld kaupstaðarins næsta ár. Í áætluninni skal tilgreina tekjur þær, sem til eru, til þess að borga með gjöldin, án þess að skattur sje lagður á bæjarbúa. Því, sem á vantar til að standa straum af bæjarþörfum, skal jafna niður á bæjarbúa eftir efnum og ástæðum. Áætlun þá, sem þannig er samin, skal bæjarstjórn ræða á tveim fundum með viku millibili. Við aðra umræðu skal bæjarstjórn ihuga áætlunina grein fyrir grein og greiða atkvæði um hverja grein fyrir sig. Skal áætlunin í þeirri mynd, sem bæjarstjórnin samþykkir hana, vera regla fyrir hæð bæjargjalda og fjárstjórn allri á næsta ári. — Áætlun þessa skal leggja fram innan 1. dags nóvembermánaðar, og skal hún vera öllum til sýnis í hálfan mánuð. Án samþykkis stjórnarráðsins má eigi nokkurt ár leggja hærri bæjargjöld samtals á bæjarbúa en sem svári meðaltali allra bæjargjalda þrjú síðustu árin, að fimtungi viðbættum.

## 23. gr.

Niðurfjöfnun eftir efnum og ástæðum nær til allra, sem hafa fast aðsetur í bænum eigi skemur en 3 mánuði; þeir skulu greiða þar fult gjald eftir öllum efnahag sínum, nema þeir á gjaldárinu hafi líka haft fast aðsetur annarsstaðar og galdið þar útsvar; þá skal frá ársútsvarinu draga tiltölulega við þann tíma, er þeir dvöldu annarsstaðar, þó ekki meira en þeir guldu þar. Ef rekin er í kaupstaðnum atvinna, sem talin er sjerstaklega arðsöm, svo sem verslun eða ein. hver kaupskapur, eða þilbátaútgerð, þá má leggja aukaútsvar á þá atvinnu, þótt ekki sje hún rekin nema 8 vikur og atvinnurekandinn eigi heimili annarsstaðar. Á hvalveiði, selveiði, sildveiði, á allskonar bræðslu og allskonar verksmiðjuíðnað, á atvinnu útlendra skipa við verkun á sild á höfninni, á ábúð á jörð eða jarðarhluta, á leiguliðaafnot af jörð, þótt engin ábúð fylgi, og lóðarafnot, sem einhvern arð gefa, má leggja útsvar, þótt sú atvinna sje rekin enn styttri tíma. Á kaupfjelög og pöntunarfjelög má leggja útsvar, ef þau hafa leyst borgarabryf og hafa sölubúð og vörur til sölu, svo sem hæfa þykir eftir árlegri veltu og arði í sölu-deild fjelagsins.

## 24. gr.

Fimm manna nefnd skal jafna niður gjöldum eftir efnum og ástæðum.

Nr. 30. Um kosningarjett og kjörgengi til niðurjöfnunarnefndar gildir hið sama, sem 22. nív. ákveðið er um kosningarrjett og kjörgengi til bæjarstjórnar, svo og um kosningaraðferðina; einnig um ályktanir hennar og atkvæðagreiðslu. Nefndarmenn skulu kosnir til 6 ára, og skal kosning fara fram í september eða októbermánuði. Af þeim, sem kosnir eru í fyrsta skifti, fara tveir frá að þremur árum liðnum eftir samkomulagi eða hlutkesti. Síðan fara frá á hverjum þriggja ára fresti þrír og tveir nefndarmenn til skiftis. Enginn, sem er kjörgengur í bæjarstjórn, getur skorast undan að taka á móti kosningu í niðurjöfnunarnefndina. Þó má enginn samtímis sitja í niðurjöfnunarnefnd og bæjarstjórn. Hver sá, er verið hefir 6 ár eða lengur samfleytt í nefndinni, er undanþeginn starfa þessum jafnlengi og hann hefir síðast í henni verið.

#### 25. gr.

Niðurjöfnunarnefndin jafnar niður hinum árlegu gjöldum í nóvembermánuði, samkvæmt áætluninni. Niðurjöfnunarskráin og skrá um gjöld bæjarins skal liggja öllum til sýnis á venjulegum, hentugum, áður auglýstum stað, hálfan mánuð fyrir árslok. Bæjarstjórnin getur ákveðið, að aukaniðurjöfnun skuli fram fara um mánaðamótin ágúst og september, og skulu gjöld þá lögð á þá, sem hafa flutt sig til kaupstaðarins eftir að aðalniðurjöfnun fór fram og gjaldskyldir eru, eða farnir verða burt áður en næsta aðalniðurjöfnun fer fram. Þessi aukaniðurjöfnun skal liggja öllum til sýnis í hálfan mánuð, svo sem aðalniðurjöfnun. — Heimilt er niðurjöfnunarnefnd að krefjast þess, að borgarar bæjarins sendi henni á þar til gerðum eyðublöðum, skýrslu um árstekjur sínar og aðrar upplýsingar um efni þeirra og ástæður. Skytt er nefndinni að halda þessum upplýsingum leyndum. Kæur yfir niðurjöfnun skulu sendar niðurjöfnunarnefndinni skriflegar, innan hálf mánaðar frá því, að niðurjöfnunarskráin var til sýnis. Innan hálf mánaðar þar á eftir skal nefnd þessi skriflega skýra kærandanum frá, hvort og að hve miklu leyti krafa hans hafi verið tekin til greina. Ályktun þá, sem niðurjöfnunarnefndin hefir gert, má svo innan hálf mánaðar þar á eftir bera upp fyrir bæjarstjórninni, sem leggur fullnaðarúrskurð á málið innan hálf mánaðar. Kæur, sem koma fram eftir hinn tiltekna tíma, verða ekki teknar til greina. Hverjum, sem gert er að greiða bæjargjald, er heimilt að kvarta yfir því, sem lagt hefir verið ekki að eins á sjálfan hann, heldur og á aðra á skránni, eða að einhverjum hafi verið slept. Ef kvartað er yfir gjaldi annars manns, eða að einhverjum hafi verið slept, skal þeim manni gefinn kostur á að segja álit sitt um það efni áður en úr þessu er skorið í niðurjöfnunarnefndinni eða bæjarstjórninni. Enginn getur, með því að bera sig upp um skattgjald sitt, komist hjá að greiða gjaldið á rjettum gjalddaga, en verði gjaldið lækkað, skal greiða aftur úr bæjarsjóði það, sem ofgildið er.

#### 26. gr.

Ef ágreiningur verður milli Siglufjarðarkaupstaðar og einhvers annars

sveitar- eða bæjarfjelds um skifingu milli þeirra á skattgjaldi einhvers manns, Nr. 30.  
sker stjórnarráðið úr því. 22. nóv.

## 27. gr.

Öll bæjargjöld eftir aðalniðurföfnun skulu goldin að helmingi fyrir 1. febrúar og að helmingi fyrir 1. ágúst, en eftir aukaniðurföfnun fyrir 1. október ár hvert, og ber bæjargjaldkera að innheimta þau, eins og líka allar aðrar tekjur kaupstaðarins. Sjeu gjöldin ekki greidd innan mánaðar frá gjalddaga, ber að taka þau lögtaki. Flytji gjaldskyldur maður sig alfarinn úr bænum fyrir nýár, fellur alt það gjald burt, sem lagt er á sjálfan hann fyrir það ár, sem í hönd fer. Sá, sem flytur sig úr kaupstaðnum einhvern tíma á árinu, er að eins gjaldskyldur til loka þess ársfjórðungs, er hann flytur sig. Sá, sem flytur sig inn í kaupstaðinn á árinu, og er settur á aukaniðurföfnunarskrá, er gjaldskyldur frá þeim tíma, er hann fluttist inn.

## 28. gr.

Bæjarstjórn, og sjerstaklega lögreglustjóri, skal hafa nákvæmar gætur á fjárstjórn kaupstaðarins og sjá um, að tekjur bæjarsjóðs sjeu rjett heimtar og í tækan tíma; enn fremur gæta þess, að geymt sje, og eftir atvikum ávaxtað, fje bæjarins, þangað til á því þarf að halda til að borga útgjöld hans. Bæjarstjórnin öll skal hafa ábyrgð á innstæðum og öðrum eignum kaupstaðarins.

## 29. gr.

Gjaldkeri skal að minsta kosti einu sinni á hverjum ársfjórðungi gefa bæjarstjórninni ákveðna sjóðsskýrslu, er sýni, hvað goldist hefir í bæjarsjóð og úr honum, og hver er hinn handbæri peningaforði. Eigi má gjaldkeri borga neitt úr bæjarsjóði nema eftir ávísun bæjarstjórnar. Skulu allar ávísanir vera undirritaðar af lögreglustjóra, og sjeu þær yfir 100 krónur, þá einnig að minsta kosti af tveim bæjarfulltrúum.

## 30. gr.

Bæjarstjórnin er skyld að útvega og láta landsstjórninni eða hagstofunni í tje skýrslur þær, sem beðið er um, svo sem um fólkestal, skepnuhald, atvinnuvegi og annað ástand kaupstaðarins

## 31. gr.

Bæjarstjórnin má ekki, án samþykkis stjórnarráðsins, takast á hendur neina skuldbindingu til langframa, sem ekki hvílir beinlínis á henni samkvæmt lögum, ekki taka af innstæðufje kaupstaðarins, ekki selja nje veðsetja fasteignir hans nje kaupa neina nýja fasteign, ekki taka stærri lán, nje upp á lengri tíma en svo, að þau verði borguð aftur af tekjum þess árs, sem í hönd fer, nje heldur endurnýja slik lán eða fresta borgunartímanum.

Nr. 30.

22. nóv.

32. gr.

Þegar við lok hvers reikningsárs skal gjaldkeri semja reikning yfir tekjur og gjöld kaupstaðarins, svo og skýrslu um [eignir og skuldir í árslokin, og senda bæjarstjórninni fyrir lok janúarmánaðar. Lögreglustjóri lætur reikning þennan liggja öllum bæjarbúum til sýnis hálfan mánuð á vanalegum, hentugum, áður auglýstum stað. Reikningurinn sje því næst vandlega yfirfarinn af endurskoðendum kaupstaðarins, og skulu þeir hafa lokið rannsókn sinni innan mánaðar. Þegar gjaldkeri hefir svarað athugasemdum þeirra, en það skal hann hafa gert innan hálfis mánaðar, skal leggja reikninginn, ásamt athugasemdum endurskoðenda og svörum gjaldkera, fyrir bæjarstjórnina, sem leggur úrskurð sinn á reikninginn og veitir gjaldkera kvittun. Enginn má taka þátt í úrskurði á athugasemd, sem snertir þau bæjarstörf, sem honum hafa verið sjerstaklega falin á hendur. Nú vill reikningshaldari eða annar, sem hlut á að máli, eigi viðurkenna að úrskurður bæjarstjórnarinnar sje rjettur, enda leggi úrskurðurinn honum peningaábyrgð á hendur, og má hann halda málinu til dóms og laga. Þegar búið er að leggja úrskurð á bæjarreikninginn, getur bæjarstjórnin birt á prenti ágrip af honum, er lögreglustjóri semur, og skulu í því ágripi greind öll aðalatriðin í tekjum og gjöldum kaupstaðarins.

33. gr.

Innan loka septembermánaðar skal senda stjórnarráðinu reikning fyrir hið liðna reikningsár með athugasemdum endurskoðenda og úrskurðum bæjarstjórnarinnar. Komi það fram, að bæjarstjórnin hafi greitt ólögmet glöld, neitað að greiða þau gjöld, sem löglega hvila á kaupstaðnum, eða á annan hátt ranglega beitt valdi sínu, skal stjórnarráðið gera þær ráðstafanir, er með þarf; og ef naunsyn ber til, getur stjórnarráðið með lögsókn komið fram ábyrgð á hendur þeim bæjarfulltrúum, sem hafa átt þátt í þessum ályktunum.

34. gr.

Með byggingarsamþykkt, sem bæjarstjórnin semur fyrir kaupstaðinn og stjórnarráðið staðfestir, má fela byggingarnefnd að annast byggingarmálefni kaupstaðarins undir yfirstjórn bæjarstórnar. Í samþyktina má setja fyllri ákvæði um byggingarmálefni bæjarins en enn þá eru í lögum, ákveða sektir fyrir brot og setja reglur um greiðslu þess kostnaðar, sem af ákvæðum samþyktarinnar leiðir.

35. gr.

Hið fyrsta eftir að lög þessi öðlast gildi skal stofna slökkvilið á Siglufirði. Allir bæjarbúar, sem til þess verða álitnir hæfir, eru skyldir til að mæta við slökkviliðsæfingar eftir boði bæjarstjórnar eða þess manns, sem bæjarstjórnin setur yfir slökkviliðið. Þegar eldsvoði kemur upp, skulu allir verkfærir karlmenn í bænum skyldir að koma til brunans og hlýða öllum fyrirskipunum

slökkviliðsstjóra eða aðstoðarmanna hans, er að því lúta að bjarga úr eldinum, Nr. 30. slökkva hann eða varna útbreiðslu hans. Bæjarstjórnin semur reglugerð fyrir 25. nóv. slökkviliðið, en stjórnarráðið staðfestir, og má ákveða sektir fyrir brot gegn ákvæðum reglugerðarinnar, og renna þær í bæjarsjóð. Með mál út af brotum gegn reglugerð þeirri skal farið sem almenn lögglumál.

## 36. gr.

Bæjarstjórnin hefir alla yfirumsjón með vatnsleiðslu og ralleiðslu bæjarins, en falið getur hún sjerstökum mönnum eða sjerstökum nefndum alla nánari stjórn og umsjón stofnana þessara. Þurfi að taka vatn eða vatnsafl í landareign einstakra manna, skulu landeigendur skyldir til að láta í tje nægilegt vatn úr uppsprettum, ám og lækjum í landareign þeirra, þó svo, að þeir sjeu eigi með því sviftir nægilegu vatni til heimilisparfa fyrir þá sjálfa. Svo skal þeim og skylt að láta af hendi lóð og landsafnot til hvers kyns mannvirkja, er í þessu skyni þarf, þar með talið grjóttak, malartekja og torfrista, og að þola þær eignarkvaðir, óhagræði og takmörkun á afuotarjetti, sem slík mannvirki hafa í för með sjer, alt gegn því, að fult endurgjald komi fyrir Bætur fyrir jarðrask í óræktuðu landi skulu því að eins greiddar, að álitid verði að landeigandi biði skaða við það. Verði ekki samkomulagi náð um bætur þessar, skal eignarnám fara fram samkvæmt lögum.

## 37. gr.

Stjórnarráðið gerir ráðstafanir til þess, að lög þessi komi til framkvæmda 20. maí næst eftir að þau eru staðfest af kungi, og telst fyrsta fjárhagsár kaupstaðarins frá fardögum til ársloka það ár.

Eftir þessu eiga allir hlutaðeigendur sjer að hegða.

**Gefið á Amaliuborg 22. nóvember 1918**

Undir Vorri konunglegu hendi og innsigli.

**Christian R.**

(L. S.)

*Sigurður Jónsson.*